



18. Tschanteda dal cussagl cumünel in marcudli, ils 18.9.2013 a las 18.00 in l'alp Pignaint

Presidi: Duri Campell

Preschaints: Gian Andrea Bott, Ines Barblan, Paolo Bernasconi

Absaints: Gian Fadri Largiadèr

Actuar: Duri Schwenninger

Tractandas:

1. Protocol
2. 0.211 Dumandas da fabrica
3. 7.200 Revisa totela ledscha per l'economisaziun d'immundizchas, 2. lectüra
4. 7.100 Schlargiamaint infrastructura Cinuos-chel/Tulait, surdeda furniziun signal iglümino per strivla melna
5. 0.205 Plan d'investiziuns pels ans 2014-2018, 1. lectüra
6. 7.200 Revisa totela uorden da taxas per l'economisaziun d'immundizchas, 1. lectüra
7. 9.999 Varia

La glista da tractandas vain approveda cun stricher las tractandas 3 e 6, siand cha'l depüto es absaint, scu eir cun piglier tiers la tractanda declaraziun d'intent pel center naziunel da sport d'inviern.

Protocol: Il protocol da la tschanteda dals 04.09.2013 vain approvo unanimamaing.

143 0.211 Dumanda da fabrica Blumenthal Gian Rico, refer e rinforzer tet da la suosta

Gian Rico Blumenthal ho inoltro ün'annunzcha da fabrica regard il rinforzer e'l refer il tet da la suosta tar la chamanna Varusch sün parcella nr. 340. Tenor l'uffizi per il svilup dal territori dal chantun Grischun nun es bsögnaivel da mner tres la procedura da fabrica per quel intent. Il cussagl piglia cugnuschentscha da l'annunzcha e nun ho üngünas objecziuns.

**144 0.211 Dumanda da fabrica
Rocca Sigrid, implir sü terrain**

Il cussagl piglia cugnuschentscha da la dumanda da fabrica per implir sü il terrain sün parcella nr. 150 in Pradels per pudair tgnair adattedamaing chavals. Il cussagl decida unanimamaing da conceder il permiss da fabrica cun las seguaintas cundiziuns:

La vascas existentas chi sun i'l perimeter previs, staun gnir uzzedas tenor nouv nivel dal terrain. Impü stu il scul chi's rechatta vers saira da la parcella nr. 150 gnir mantgnieu in möd cha sieu scopo resta in funcziun. Quellas lavuors haun da gnir survagliedas tres l'uffizi da fabrica e staun gnir registredas i'l cataster da lingias tres l'indschegner.

**145 0.211 Dumanda da fabrica
Salzgeber Joos Simon, dumanda per installer tankedi e tanc
suotterra**

Il cussagl piglia cugnuschentscha dal permiss da la pulizia da fö scu eir dal permiss da l'uffizi per natüra ed ambiaint per eriger sün parcella nr. 814 in Serlas ün tanc suotterraun scu eir ün tankedi. L'an passo vaiva la radunanza accepto il contrat cun Joos Simon Salzgeber per fabricher a cunfin da la parcella nr. 696 in Serlas. Il cussagl decida unanimamaing da conceder il permiss da fabrica cun differentas cundiziuns.

**146 7.100 Chanalisaziun/sarinera
Schlargiamaint infrastruttura Cinuos-chel/Tulait, surdeda
furniziun signal iglümino per strivla melna**

In connex cul schlargiamaint da l'infrastructura in Cinuos-chel/Tulait s'ho decis, our da motivs da sgürezza, d'eriger ün marchapè scu eir üna strivla melna sur la via chantunela. Per sgüerer la strivla melna cur chi'd es s-chür es, tenor ledscha, d'iglümner quella. Per furnir e munter ün signal iglümino s'ho trat aint offertas. Il cussagl decida unanimamaing da surder la furniziun e la montascha dal signal a la firma Rauch Metall SA da Zernez per l'import offert da fr. 11'372.40, inclus l'imposta sülla püvalur. Tar la surdeda s'ho resguardo l'offerta la pü favuraivla tenor ledscha da submitsiun.

**147 0.205 Rendaquint/planisaziun da finanzas
Plan d'investiziuns pels ans 2014-2018, 1. lectüra**

Il cussagl piglia cugnuschentscha da la proposta dal plan d'investiziuns pels ans 2014-2018 e fo üna 1. lectüra da quel. Zieva püs adattamaints decid'il cussagl da fer tar la prosma tschanteda üna 2. lectüra dal plan d'investiziuns 2014-2018.

**148 3.400 Sport
Center naziunel da sport d'inviern, declaraziun d'inten**

Il president orientescha, cha la Regenza ho decis d'inolter a la Confederaziun tuottas 3 candidaturas grischunas pel center naziunel da sports d'inviern. Quella da Laj, Tavo e S-chanf/Engiadina. Las lavuors supplementeras in connex cun nossa candidatura sun bainbod gliverdas. Per musser nos interess da survgnir il center in nossa regiun, s'ho decis d'inoltrer declaraziuns d'inten dal cussagl cumünel da S-chanf, dal circul, dal cussagl cumünel da San Murezzan, da las pendiculeras Engiadina San Murezzan Mountains SA e da l'Engadin Mobil. Zieva avair fat adattamaints vi da quella, decid'il cussagl unanimamaing d'inoltrer la declaraziun scu adiziun a la candidatura.

149 9.999 Varia

Il president infurmescha, cha la sgüraunza d'edifizis ho tschernieu a Sandro Andri da Samedan scu nouv maister spazzachamin in nossa regiun.

Impü infurmesch'il president cha la visita da terms ho gieu da gnir sdit gio, siand cha cun las noschas previsiuns da l'ora ho que do dischplaschaivelmaing be ün'unica annunzcha.

A las 20.00 vain la tschanteda alveda.

In buna fè

L'actuar:
D. Schwenninger